*A FREE PAPER'

Thanks, Bobby, for yon publication Pertainin' tas Scots Nationalisation, It startit oot my day rale dandy As I got the mornin' news frae Sandy.

But,---mind ye freend, I'll tell ye noo, Tho' yer paper I read thro' an' thro', Naewhaur found I the inspiration That wad mak' me jine yer org'nisation.

The Title noo, "Scots Independent" Looks nae doot a bit resplendent Set oot in colours black an' blue Beside the Cross o' Guid St Andrew.

But, Bobby lad, 'tween me an' you, Scots Independence is naething new, In every land whaur Scots are known This Independent trait they've shown.

"My Scotland", 'pearing on page twel' Could as aptly been ca'd, 'Me an' masel', It's author, Dougie, oor MP Is no the man, I doot, for me.

Then, again, amang his blethers, When moanin' ower oor UK tethers, He rarely mentions in his wails, North'ren Ireland,- no, nor Wales.

Best wishes Bob Smith Abernethy 18th March 1975